

A vertical ink wash landscape painting. The scene is dominated by misty, layered mountains in the background. In the middle ground, several sharp, jagged mountain peaks rise from a calm body of water. The water reflects the surrounding landscape. The overall mood is serene and contemplative.

慎

終

追

遠

# 祭祀礼札

## 祭祖通知單

楊氏宗廟為報本事某月某日冬至祀祖通知各房戶人等務宜沐浴齋戒前日下午各備衣冠赴廟  
候五鼓行禮事關報本各宜敬慎毋忘  
恭

公元某年某月某日通知

## 儀注

祭之前二日值年首事先來將祖龕拂拭欄楣門戶桌椅內外廳堂階坪俱要潔淨灑掃

### 致祭人名執事表

主祭一 分獻三 糾儀一 通唱二 引贊八 司帛四 司爵四 讀誠詞一  
讀箴詞一 歌詩八 司福胙二 司毛血二 司盥洗一 司酒樽一 司鐘鼓二 司磬一  
司更點一 司肴饌羹飯四 司炮一 司燎一

### 冬至前一日下午監牲儀則

通唱行監牲禮 司事者各執其事 擊磬鐘鼓齊鳴放花炮 奏大樂大樂止 起小樂 主祭孫就位  
與祭孫皆就位詣盥洗所 引執事者酌水進巾盥洗 盥洗畢唱詣香案前引跪皆跪 上香三執  
事者舉杯酌酒 奠爵灌酒 叩首興 平身複位 唱拜興四 執事者引主祭孫詣祖位前跪 皆跪  
引獻帛 獻爵三 俯伏樂止 讀告文讀畢唱起樂詣宰牲所引就位上香三獻帛獻爵三揖再揖  
三揖化 財 宰牲奏大樂盛毛血大樂止起小樂 唱引主祭孫詣祖位前跪皆跪獻毛血叩首興  
平身複位 鞠躬拜 興四奏大樂放花炮化財焚文揖禮畢退位

### 冬至前夕啟祖

通唱行啟祖禮 司事者各執其事 擊磬鐘鼓齊鳴放花炮奏大樂大樂止起小樂主祭孫就位  
皆就位引主祭孫詣盥洗所引執事者酌水進巾盥洗盥洗畢唱詣香案前引跪皆跪上香三執  
事者舉杯酌酒奠爵灌酒叩首興平身複位唱拜興四引主祭孫詣祖位前跪皆跪獻帛獻爵三  
俯伏樂止 讀告文讀畢唱奏大樂執事者啟櫝大樂止起小樂 叩首興平身複位鞠躬拜興四奏  
大樂焚 文放花炮揖禮成退位

### 冬至正祭儀注

通唱敦行祀典 內外肅靜 執事者各執其事行省視禮 引主祭孫詣毛血所引毛血告充唱詣鼓  
鼓所引樂器告備唱詣盥洗所引樂器告潔唱詣酒樽所引酒樽告清省畢唱主祭孫暫立西階鼓  
初嚴 鳴金一次 放頭炮 鼓再嚴 鳴金二次放二炮 鼓三嚴鳴金三次放三炮擊磬鐘鼓齊鳴  
放花炮奏 大樂大樂止起小樂序立執事者引主祭孫就位分獻孫與助祭孫皆就位 樂止宣誠  
詞 宣畢 奏大 樂瘞毛血 大樂止 起小樂 執事者引主祭孫詣盥洗所盥洗畢 引詣香案前  
行迎神禮跪 皆跪上 香三執事者舉杯酌酒 奠酒灌酒燎脂 樂止歌迎神之章 歌畢起樂 叩  
首興平身復位鞠躬拜 興 四行初獻禮進饌奏大樂大樂止起小樂 執事者引主祭孫與分獻孫  
詣酒樽所引司樽者舉觶酌酒 司爵者捧爵司帛者捧帛唱主祭孫詣始遠高曾祖考妣位前跪  
分獻孫詣支祖考妣位前跪分獻孫 詣左昭右穆考妣位前跪皆跪獻帛初獻爵獻箸獻饌釋箸  
獻羹樂止司祝者詣讀祝所讀畢讀祝 叩首三興起樂 叩首興平身復位行亞獻禮進饌奏大樂  
大樂止歌亞獻進饌之章歌畢起小樂執事者 引主祭孫與分獻孫詣酒樽所引司樽者舉觶酌酒  
司爵者捧爵唱主祭孫詣始遠高曾祖考妣 位前跪 分獻孫詣左昭右穆考妣位前跪皆跪亞獻  
爵獻箸獻饌釋箸獻羹樂止歌亞獻之章歌畢 起樂叩首興平身復位行終獻禮進饌奏大樂大

樂止歌終獻進饌之章 歌畢起小樂執事者引主 祭孫與分祭孫詣酒樽所引司樽者舉觶酌酒  
司爵者捧爵唱主祭孫詣始遠高曾祖考妣位前跪分獻 孫詣支祖考妣位前跪分獻孫詣左昭右  
穆考妣位前跪皆跪終獻爵獻箸獻饌獻飯釋箸獻羹樂止 歌終獻之章歌畢起叩首興平身復位  
行侑食禮 執事者引侑食孫詣祖位前跪 加爵獻箸加餐獻 羹獻飯釋箸獻茶樂止歌侑食之章  
歌畢 起樂叩首興平身復位行飲福受胙禮 執事者引主祭 孫詣福胙位跪飲福酒反爵受福  
胙反器樂止讀箴詞讀畢起樂叩首興平身復位謝胙鞠躬拜興 二撤饌 樂止歌撤饌之章歌畢  
起小樂 行送神禮樂止歌送神之章歌畢起樂鞠躬拜興四鐘鼓 齊鳴 奏大樂放花炮捧主登  
位焚祝帛望燎一揖再揖三揖禮成退位

## 監牲文

維 公元某 年 月 日

嗣孫某等

謹以香楮酒醴之儀致告於宏農堂上楊氏歷代始遠高曾祖考妣位前曰 萬物本乎天人本乎  
祖今以長至日屆將有事於

先人於戲祀典肇舉備物宜先愛命庖丁宰殺牲牲血是取用申告虔

## 啟祖文

尚  
饗

維 公元某年 月 日之良嗣孫某等

謹以香楮酒醴之儀致告於

宏農堂上楊氏歷代始遠高曾祖考妣位前曰 日

行北陸春到南枝繡刺五紋璿閨纔添弱線葭

吹六琯緹室漸動飛灰景物既因時而殊本源宜應候以溯維我祖派分江右業創瀏南積德累仁瓜  
瓞綿三朝之慶敦詩說禮書香煥百代之光既始燕冀之謀合致雞豚之薦愛先期戒備至質明始行  
竭此徵忱同恪恭而將事告我列祖祈陟降於厥家

謹  
告

## 冬至祀祖文

維公元年 月日嗣孫某等謹以羊一豕一香楮酒醴之儀致祭於

宏農堂上楊氏歷代始遠高曾祖考妣位前曰念昔先人德音不忘祥開雀室慶衍鱣堂金畏四

知關西名揚程門立雪道重流芳因思木本派衍豫章枝分南楚繼述無疆茲值日至宮線添長緹

室候氣初轉一陽敦行祀典莫敢或違思樂思嗜在上在旁清酒既載先祖是嘗粢盛既潔黍稷  
稻粱以妥以侑降福穰穰人文蔚起弈棄書香

尚饗

又

於戲惟我祖源分周室派衍宏農別江右而來瀏遷橫頭而啟宇開七八九甲糧冊當年之構造維艱  
發大二三房子孫爾日之繩承有自瞻寢庭之悚惕觸目興思顧棖題以彷徨撫懷增感茲者一陽  
始復六律新調土圭之日影初長緹室之葭灰甫動載陳黍稷之薦禮隆奉先肅修邊豆之議情殷  
報本伏冀遠而不遷之祖不祧之宗昭格於上近而列左之昭列右之穆質臨在旁鑒孫子一念  
之悃忱振宗祊千秋之禋祀以似以續綿世澤於無疆有幹有年服先疇於靡既詩書大啟乎門第  
戶誦家絃簪笏迭耀乎冠裳前光

後裕

尚饗

## 誠詞

祭祀 祖先務宜敬恭申報本之誠恪盡追遠之禮毋起邪念毋生妄嗔毋輕舉止毋苟笑談毋交頭

接耳毋側牟橫冠尚或怠忽不惟不降爾福且咎及爾身各宜凜凜慎毋失議致貽羞於我先人

### 迎神之章

一旦齎發躋彼公堂念昔先人懷允不忘小大稽首以往烝嘗神之格思穆穆皇

### 初獻進饌之章

肆筵設席或剝或烹取蕭祭脂苾苾芬芬是用孝享於豆於登酌言獻之其香始

升

### 亞獻進饌之章

禮儀既備濟濟蹒蹒是烝是享祝祭於禋昭茲來許或肆或將孝孫徂位不敢或

違

### 亞獻之章

樂既和奏烝衍烈祖詒闕孫謀以燕翼子子子孫孫繩其祖武於以奠之受天

### 終獻進饌之章

嗟嗟列祖既右饗之為豆孔庶鼎及鼐神嗜飲食孔惠孔時奏假無言悠悠我思

### 終獻之章

清酒既載與其黍稷以享以祀以引以翼子子孫孫曷其有極於萬斯年並受其

### 侑食之章

躋彼公堂 俛尔邊豆 有棣棘七 大糝是承 俾筵俾几 以享以祀 尝其旨否 展我孝思 飲此湑矣

### 徹饌之章

昭格烈祖是饗是宜既醉既飽廢徹不遲樂具入奏備言燕私奉先思孝振古如茲

### 送神之章

為酒為醴烝畀祖妣嗜飲嗜食神具其止鼓鐘送神其從為雨降福孔皆自今以始

### 望燎詩

工祝致告燎之方揚火烈俱舉休有烈光跋予望之先祖是皇享祀不忒受福无疆

# 箴 词

祖宗家训 箴汝子孙 小心翼翼 诰诫淳淳 思汝先人  
成家不易 勤力自强 克光门第 男孝父母 女敬翁姑  
和邻睦祖 范彼前模 汝其听受 神其眷佑 俾尔子孙  
多福多寿 有冥顽出 而乎大闲 内生嫉妒 外肆凶奸  
勿供祭祀 违禁越度 戕害宗支 毁伤坟墓 不信报应  
不安命运 心像戈矛 貌像恭敬 神不尔贲 天不尔康  
若能迁善 转灾为祥